

14.11.2017

Oahpahasministtar ja sámenuorat: Sámegielaid seilluheapmi ja ealáskahttin lea min oktasaš ášši

Sámegielaid ja kultuvrra dálá dilis ságastallojuvvui odne Helssegis, go oahpahasministtar Sanni Grahn-Laasonen deaivvai sámenuoraid. Nuorat muitaledje iežaset vásáhusain earret eará sámegiela oahpahas, giela mearkkašumis nuoraid identiteahta huksemis, giela massimis ja dan ođđasit oahppamis sihke sámegielaid sajádagas ja dálá dilis.

- Sámenuorain lea nana dáhttu ovdánahttit sámegiela ja -kultuvrra dili. Mii sávvat ahte stáhta dávista dán dár bui, vai boahhteáiggis bastit gieđahallat hástalusaid beaktileappot go dán rádjái, sámenuorat lohket dialoga maŋŋá.

Oahpahasministtar ja nuorat ságastalle earret eará giela oahpahussii guoski gažaldagain sámiid ruovttuguovllus ja dan olggobealde. Ulbmilin lei lasihit dieđu sámegielaid ja -kultuvrra áitatvuloš sajádagas sihke ságastallat sámegielaid seilluheamis ja ealáskahttimis. Ulbmilin lei maiddái buktit ovdan sámenuoraid geahčanguovllu sápmelaččaid ja Suoma stáhta gaskasaš soabadanproseassa ovdáneamis.

- Iežas giela ja kultuvrra gáhtten lea earenoamáš dehálaš, vai kulturárbi ja giella sirdašuvvet ovdosguvlui. Juohkehaš buktá ovdan iežas vuosttažettiin iežas eatnigiela bokte: jurdagiid ja dovdduid. Lean somá oaidnit, mo nuorra sohka buolva atná árvvus ja lea beroštuvvan seilluhit ja dorvvastit dan ahte giella ja kulturárbi joatkašuvvet. Mii galgat olles áigge ovttas ohcat ođđa čovdosiid sámegiela oahpahusa ovddideami várás, oahpahasministtar **Sanni Grahn-Laasonen** dadjá.

Vuoigatvuodaministeriija ja Sámedikki Nuoraidráđi ordniiga ovttasbarggus dialoga. Dasa oassálaste oahpahasministeriija, Sámedikki Nuoraidráđi ja Suoma Sáminuorat rs:a ovddasteddjiid lassin earret eará Sámedikki ságadoalli Tiina Sanila-Aikio, stáhtačáli Paula Lehtomäki stáhtaráđi kansliijas. Ságastallama čuvvo maiddái riikkabeivviid vuodđoláhkaváljagotti ja čuvgehuslávdegotti, Mánáidáittardeaddji ja Ihmisoikeusliitto rs:a ovttasteaddjit.

Sápmelaččat leat Eurohpá uniovna áidna álgoálbmot. Suomas, Norggas, Ruotas ja Ruoššas ássat sullii 100 000, sápmelačča, geain Suoma bealde orrot 10 500. Sis sullii bealli hállá sámegiela eatnigiellan. Suomas hállujuvvojit golbma sámegiela: anárašgiella, nuortalašgiella ja davvisámegiella. Suoma sápmelaččain badjelaš 50 proseantta ja vuollel 10-jahkásaš sámenuorain badjel 70 proseantta ássat dál sámiid ruovttuguovllu olggobealde. Sámevuovllu olggobealde orrot 2000 sámemáná ja -nuora. Sis sullii 50 oassálastet sámegielat árabajásgeassimii ja sullii 100 sámegiela oahpahussii.

Dáhpáhus lei oassi vuoigatvuodaministeriija kordineren Suopma 100 – Suopmelaš demokratiija boahttvuohaságastallamat -fitnus. Dan oaiveulbmilin lea buktit ovdan ahte dialoga lea demokratiija vuodđovuolggasadji. Dasa lassin ulbmilin lea gávdat ođđa vugiid áššálaš servodatlaš ságastallamii. Vuoigatvuodaministeriija ovttasbargoguoimmit leat Sitra, stáhtaráđi kansliija ja Suopma 100 -čálligoddi ja ruhtadoalloministeriija.

Lassedieđut:

hoavda Johanna Suurpää, vuoigatvuodaministeriija, tel. 0295 150534,
ovdanamma.sohkanamma@om.fi (sámiid vuoigatvuodat)

oahpahusráđdeaddi Anne Onnela, oahpahus- ja kulturministeriija, tel. 0295 330010,
ovdanamma.sohkanamma@minedu.fi (sámegielaide oahpahus ja ealáskahttin)

ságadoalli Laura Pieski, sámedikki Nuorairáđđi, tel. 040 6837900,
ovdanamma.sohkanamma@windowslive.com

prošeaktahoavda Liisa Männistö, vuoigatvuodaministeriija, tel. 0295 150231,
ovdanamma.sohkanamma@om.fi (Suomi 100 -fidnu)

Loga lasi:

Sámeáššit vuoigatvuodaministeriija neahttasiidduin (<http://oikeusministerio.fi/saamelaisasiat>)

Sámedikki neahttasiiddut (www.samediggi.fi)

Sámedikki Nuorairáđđi neahttasiiddut (<http://www.samediggi.fi/nuorat/>)

Suomi 100 – Suomalaisen demokratian tulevaisuuskeskustelut -fidnu
(<http://oikeusministerio.fi/demokratian-tulevaisuuskeskustelut>)

Stáhtaráđi dieđáhus 19.10.2017 soabadankomišuvnna válmmaštallama álgaheamis

([http://valtioneuvosto.fi/artikkeli/-/asset_publisher/10616/hallitus-kaynnistaa-saamelaisten-
sovintokomission-valmistelu](http://valtioneuvosto.fi/artikkeli/-/asset_publisher/10616/hallitus-kaynnistaa-saamelaisten-sovintokomission-valmistelu))